



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一七四

居業堂文集二十卷首一卷 王源撰

一

思復堂文集十卷附錄一卷 邵廷采撰

一八三

習是堂文集二卷附年譜一卷 曾倬撰

四八三

湖海集十三卷 孔尚任撰

五二七

石門山集一卷 孔尚任撰

七二七

道光辛卯刊

居業堂文集

讀雪山房藏板

居業堂文集

原敘

吾友王君克承之子源字崑繩與其兄汲公名於時崑繩岸異多英氣自其十數歲余輒器之則崑繩為文章已成軼作項羽論縱橫馳騁若前無古人者名下士爭譽之余未之許崑繩口不言而意爽然也後數年復謁余廣陵領下須已長四寸日光閃閃逼人比著書高二三寸而崑繩年亦幾三十矣再出項羽論則議論多肯要法度老成且曰源往者不自得久而心服先生之言於是縱觀其文文之可施於用者十有五矣崑繩為人伉爽好大略為文多法史漢吾門人孔生尙典文最英悍余嘗辟之馭馭之馬然其實用處不及崑繩也嗟乎吾老矣而崑繩今不可為少彼取伯昭周公瑾何人哉人學問當有變化少年英發中晚之歲貴沈深掩抑使不顯其光

居業堂文集卷首

吾他日以崑繩之文觀之矣丁巳易堂魏禧題載魏叔子文集入

魏冰叔沒在處士能古文者吾知王子崑繩孔孟不作文章道衰左氏司馬遷論次當世公卿侯王將相人文變矣

易曰觀乎人文以化成天下天下有道文章在上堯舜文武見於詩書所傳天下無道德乃在下於時有孔子之春秋孔子之道仁義中正無矯枉救弊揚墨以其仁義矯之

救之而失也至於偏且獎愈以亂天下詩曰毋教孫升木如塗塗附君子有微猷小人與屬余嘗見冰叔於金陵言

文章冰叔出左氏司馬以下其為人欲以諸葛忠武為師然既沒以吾求天下之人於處士見崑繩見崑繩之文於

左氏司馬遷夫豈無當世公卿將相侯王所得論列然非處士之所宜有也天下而有管夷吾公孫僑張良蕭何楚

漢之帝王使之論次自成一書然又非處士之所為也冰

叔嘗稱崑繩文矣冰叔處士也余則以左氏司馬遷論崑繩之文而烏能終以處士論崑繩之為人哉崑繩名源北平人善言兵工敘事文字嘗論余文以為好言孔子之言者江左洪嘉植識

附錄

王源字崑繩世為直隸宛平人父某明錦衣衛指揮明亡流轉江淮寓高郵源少從其父喜任俠言兵少長從寧都魏叔子學古文性豪邁不可羈束於並世人視之蔑如也雖古人亦然所心慕獨漢諸葛武侯明王文成於文章自謂左邱明太史公韓退之外無肯北面者年四十餘以家貧父老始遊京師傭筆墨貴人富家多病其不習時文笑曰是尚需學而能乎因就有司求試舉京兆第四人曰吾寄焉以為不知己者詬厲也源以貧無資不能不託跡諸

居業堂文集卷四

二

公閒而常以自鄙未肯降辭色或極飲大醉嘲謔罵議中其所忌諱諸公用此陽體貌之而陰損焉源雖好氣與世參商然內行篤脩其兄死旬歲中貌若非人以余所見居兄弟之喪顏色稱其情者獨源與山陽劉永楨兩人而已其於人果有善未嘗不降心晚年與蠡縣李埭遊大悅之遂與師事博野顏習齋學禮終日正衣冠對僕隸必肅恭然自負經世之略益堅每曰吾所學乃今始可見之行事非虛言也始源慨不快意五十後葬其親遂棄妻子為汗漫之遊至名山廣壑輒淹留踰時忽復他往見人不自道姓名逾六十復歸往來金陵淮揚間客死山陽惟兄之甥蔣衡視含殮卒之夕神色傲然無一語及家事其古文既刻者世多有所著易傳十卷平書二卷兵論二卷及未刻

古文藏於家 桐城方苞四君子 望溪集

嗚呼子生於天余謂非偶嗟同眾萬視猶芻狗子之心胸函山振海子之議論風驚雷駭豈惟在今志亦無古英光浩氣今歸何所世士虛橋外張中餒古所云狂子差可擬少隨父兄陸沈自喜匿跡淮填行歌燕市志以貧移傾身救水外取所求中以自鄙顧視儕輩如塵如穉可者教士謬及於余未見而親久益不疑行身務學以謀以咨天與屯蹇異徑同歸夙心並負次且路岐丙戌之春指我長辭二親邱首惟吾所之窮山絕壑形駐影隨雖子知我跡亦難窺解手三歲別語依依念子孤直諒不余欺乾坤浪莽會面何時忽叩吾盧驚喜相顧曰余迴車將農將圃問子之鄉巖深川互我行我遊子先我路我耕我耘子偕我作我文我史子尚我談高酬連旬忘晨與暮越歲為期並從所務始春過余杪秋復至申固前期志氣益厲孰期分肯

居業堂文集卷四

三

遂歸虛無委舍旅舍妻子莫扶教教友生視矜與孺傲然乘化其色于子子少自則管葛與衡晚希顏孟其志亦誠行與心違蹉跎竟老遺書在篋其半惟草臨風灑泣氣盡心孤子止於此況於吾徒嗚呼哀哉尚饗 桐城方苞祭王望溪

日念喬梓昆仲如家人不可暫釋處四達之地易於交友閱事而風氣雜揉虛美相熏以之滑性長傲亦不為少長才人當堅定以學問學問在求實地日見己所不足則不進於古人不止 南都魏禧與王崑繩簡 魏叔子文集卷七

金陵劉文楷家鐫

武進管繩萊議

王源字崑繩一字或庵大興人先世無錫有王玉者從成祖靖難有功戰亡白溝河子孫世襲為錦衣衛指揮僉事父世德仕崇禎朝國亡變服為僧痛野史載烈皇帝多誣罔為崇禎遺錄一卷源其次子幼與兄潔以能文稱於時岸異英傑有不可一世之概少以所為文示寧都魏禧禧未善也久之許其文為可施於用先是源父既遭國變流轉江淮閒喜任俠言兵所交多瑰奇隱異之士源以故習知前代典要及關塞險隘攻守之略居恒慨然自以為北面武鄉侯而與陳同甫並驅爭先年四十餘貧困無所遇乃折節為儒者氣益純粹遊京師備筆墨是時國家承平數十年方以入股文取士富貴家子弟無所事經濟古文

傳

之學源初未嘗為時文人或以此病之源笑曰是尚需學而能耶因就有司求試中式康熙三十二年舉人或勸更應禮部試源謝曰吾奇焉為謀生計使無詬厲已耳晚歲交蠡縣李球相與師事博野顏元講理學盡闢程朱陸王而述顏元之言曰格物者大學之始事也程朱之釋格物也上極於性天下極於草木鳥獸非高遠則汗漫陽明意在良知其釋格物也一以為正事物一以為去物欲非脩身之事則誠意之功總於格物之義無當物非他即大司徒教萬民而實與之之三物也格物非他即學習六藝以成其德與行也蓋德行之實事皆在六藝而六藝總歸一禮故孔子謂非禮不動所以脩身教顏子以克己復禮為仁又曰為國以禮故學禮即格也約禮即誠正脩也齊治平也小學大學由淺入深師以此教弟以此學也士

以此造才以此取也士大夫之學出於此君相之學亦出於此也明明德親民由於此止至善即由於此也源既祖顏元習禮之說終日整衣冠對僕御無所苟且其生平嚮學之旨皆散見所為文中文多記明人逸事以故其文多悲慨侘傺桐城侍郎方苞稱其有易傳十卷平書二卷兵論二卷皆不可得惟古文三十卷詩十卷年六十餘客死子兆符康熙辛丑進士有詩若干卷並藏余家論曰源以世家子弟國變家燬蒼涼鬱勃之氣無所發洩一寓之於文今其文具在多紀明人逸事發揚蹈厲往復不窮當時號為古文家者未足與比也然非遭時之艱困心衡慮焉能成其所至若此哉晚而歸宗於理學夫亦盛氣既平知非悔過之所為與後世讀其文者可以窺其志矣

傳

二

王氏塋記

武進管繩萊讓

出京師西便門循濠而西五里許地名羊坊店或曰羊房店王氏塋在焉王氏先會祖母外家也塋巽乾向葬主穴者故明錦衣衛指揮使諱世德字霜臯先會祖母會祖也穴之右葬霜臯先生長子諱潔字汲公先會祖母伯祖也又其右為四姑娘不知何人又其右為霜臯先生孫康熙辛丑進士諱兆符字隆川先會祖母父也主穴之左曠外有家大樹生其上壤不可脩為隆川先生子諱匡字方度先會祖母弟所抱他姓子名 葬地其契券悉鐫碼上地廣若干畝直隸向無布政按察使隸刑名錢穀二道所鐫契皆錢穀道稅契故紙久亡康熙某年事也守家人戴姓歷高曾以下五世子孫繁多以牛皮結繩為業而王氏

記

絕者且五十年矣初隆川先生子匡卒無子先會祖傷王氏無後以三叔祖諱世鏞嗣其後王氏故家大興為明望族國亡後遷徙江淮間宗族零替無可嗣故以甥為舅後也其後三叔祖又亡無子 妻尚在孀倚無倚撫他姓子為子前十餘年嘗從淮上來為小貿易不讀書且無與王氏無能知其舊事今亦不知其人存否也先祖官京師二十年自會祖母存時以及卒官之日歲時祭掃無不親拜隆川先生夫人楊孺人久殯淮安又先祖所奉而合葬者迨眷屬歸里後其事遂聞吾父每以應試謁選之事入都必釋奠墓下而吾父下世又將十年余遇赴試北雍之歲當九月必買車挈棹以往脩其崩圯霜喬露棘蔚然幸存無斬伐之者嗟乎人生謀衣食奔走四方自其祖宗之邱壠已不能春秋時其展奠況以會祖母外家之墳墓

而託之彌甥乎既不同鄉井遠在二三千里外隔兩三年一來來而又去其去來可常必乎設數十年中無過問者則耕夫牧豎侵削而平夷之荒煙衰草瀟漫無迹其世逾遠其親益疎子孫縱能知之而欲求其處恐不可得而識矣且子孫又能料其必來京師乎可傷慨已余五六歲時即侍會祖母往拜今兩家所葬已在疑似間後世必并此而味之矣故特為之記

附記

先會祖母大父諱源字崑繩一字或庵康熙癸酉舉人以文章著述名於時嘗與魏凝叔方靈臯及李剛主閭百詩諸先生交所著居業堂集藏余家無力梓也其葬地又在江蘇鎮江府之金壇縣磁或庵先生姪婿為金壇蔣衡世所稱寫十三經拙老入者是也先生卒於淮

記

安遷其柩葬焉蔣氏今移家無錫事已數世無與余相識者問之恐亦不能指其地矣余有族會祖姑嫁金壇千氏往年會知之余及見之日已嬰老不啻事且當時不知其知此事未得問今歿已十七八年子孫盡矣益不可考他日蔣氏有人或能識舊蹟而以告余者乎因記前事而附書於此

居業堂文集目錄

卷一 傳一

劉誠意伯傳

于忠肅公傳

于侍郎傳

譚參政傳

卷二 傳二

新樂侯傳

鞏都尉傳

姜都督傳

李高合傳

保定張氏兄弟合傳

王將軍傳

司禮監高時明傳

卷三 傳三

王興國公傳

諸天祐傳

王義士傳

閩中二烈士傳

金主事傳

秦處士傳

卷四 傳四

李處士傳

襄城張孝廉傳

五公山人傳

顏習齋先生傳

溫孝謐先生傳

李孝慈先生傳

周孝廉傳

曹大學傳

卷五 傳五

秦舍人傳

姚少保傳

隱俠傳

徐烈婦傳

曹烈婦傳

高節婦傳

吳節母傳

福清陳孺人傳

吳烈女傳

吳節婦傳

長沙陳孺人傳

周節女傳

俠女任氏宮氏傳

黃孺人傳

卷六 書一

與徐學士論王威寧書

與友人論韓林兒書

與友人論史書

與友人論侯朝宗文書

與王吏部書

與黃自先書

與湯西崖書

復陳紫宸書

與周生書

與張天中書

荅外舅李涵生先生書

復蔡靜子書

與梅耦長書

卷七 書二

與戴田有書

與朱字綠書

與李中孚先生書

與張生書

與吳商志書

與閻百詩書

與于節侯書

與程偕柳書

復柯寓匏書

卷八 書三 啟

與蔣湘帆書

示及門書

與某公書

與增梁仙來書

與方靈卓書

與康孟謀論脩節志書

再與康孟謀書

復姚梅友書

與毛河右先生書

再與毛河右書

家大人八十徵言啟

卷九 論一

郊祀論

老子論

楚漢論

李陵論

道德仁藝論

脩辭立誠論

佛法論上

佛法論中

居業堂文集目錄

一

居業堂文集目錄

十一

佛法論下

賈誦論

費祿論

諸葛誕論

張賓論

卷十 論二

權論

將論

戰論

八陣論

鄭莊公論

子元論

司馬戍論

魏舒論

吳越論

龐涓論

趙勝論

項羽論

李廣論

趙充國論

鄧禹論

卷十一 論三 辨

居業堂文集目錄

二

庾翼論

謝安論

苻堅論

唐太宗論

李密論

岳忠武王論

韓蕘王論

伯顏論

耿炳文論

太極說

適安居說

水碓說

損齋說

閻少端字說

蓮泊居士乾淨齋說

刻印銷印辨

卷十二 序一

庚申君遺事序

六陵遺事序

史閣部遺文序

孤忠遺翰序

華鳳超先生年譜序

黃忠烈公年譜序

顏習齋先生年譜序

與圖指掌序

兵法要略序

家譜序

平書序

讀易通言序

劉氏家藏墨苑序

萬季野補晉書五表序

五嶺圖志序

孔宅志序

卷十三 序二

歷法通考序

周易玩辭序

春秋質疑序

柳邊紀略序

皇華紀問序

頤上風物記序

南遊日記序

大學辨業序

洪去蕪文集序

遂初堂集序

梁質人文集序

捐粟惠民集序

省餘集序

華崑嶠海外尋親詩序

吳萬子詩序

居業堂文集目錄

四

卷十四 序三

周生詩序

劉雨峰詩序

蔣庶臣詩序

宜人軒詩序

張梓庵詩序

南遊詩序

朱字綠詩序

張采舒詩序

北省稿序

京華集序

莘野集序

屈翁山詩序

李蒼存詩序

陳健夫詩序

夢月巖詩序

姚息園詩序

汪淡洋詩序

卷十五 序四

贈送序

程仙履詩序

北行詩序

燕齊近草序

聽雨軒詩序

游仙詩小序

燕游詩序

蔣度臣詞序

雲涓閣遺詩序

張氏家譜序

馬氏族譜序

江州義門陳氏族譜序

鐵輔采風錄序

歲試錄序

王菊林時藝序

贈張孝子序

送喬侍讀歸白田序

送胡心仲歸南昌序

送顧生序

送喬東湖序

送衛副憲撫黔南序

送馮敬南序

送房湘崖序

卷十六 贈送序二 壽序

送徐侍讀歸里序

送令貽宰茂名序

送臧侍御序

送孔東塘戶部序

送常廷尉歸里序

送王大宗伯致仕南歸序

居業堂文集目錄

五

送成乾夫任南安序

閻再彭六十一序

張太君八十序

洪翁八十序

代大人壽立士六十序

萬季野六十序

張天中七十序

吳翁七十序

梅耦長六十序

黃復庵隱君六十序

林不巖先生九十序

楊母范太君八十序

卷十七 墓誌一

進上吳君墓誌銘

中書科中書舍人侯君墓誌銘

誌銘

封君甯獻賢墓誌銘

蔣退庵太學墓誌銘

蔡叔謙墓誌銘

廖處士墓誌銘

徐雲若墓誌銘

吳孝廉墓誌銘

李夙公文學墓誌銘

卷十八 墓誌二 墓表

行實 行狀 告文

王母隋安人墓誌銘

葉節婦墓誌銘

董孺人墓誌銘

楊太君墓誌銘

梁鶴林先生墓表

劉處士墓表

張文學墓表

李賢婦墓表

先府君行實

先兄汝公行實

孫氏三烈狀

張母毛孺人行狀

告西岳文

合葬告墓文

卷十九 記 碑

十三陵記上

十三陵記下

景泰陵記

晏公祠記

順天書院記

東園記

亦安樂窩記

梅花堂記

怡園記

濤園記

居業堂文集目錄

六

意舫記

真州游桃花塢記

遊石鍾山記

溫邾翼小像記

重脩長虹隄南塘記

邵陽縣文昌祠碑文

興國庵碑文

雜著

卷二十 書後 跋 題詞

緩寇紀略書後一

緩寇紀略書後二

緩寇紀略書後三

熊經略奏疏書後

自書史閣部遺文序後

李氏家譜書後

書孫氏敕命後

書方孺人傳後

自書張氏兄弟傳後

出塞圖書後

書唐鑄萬潛書後

知我錄書後

書王鶴汀學士冊後

胡智脩新樂府跋

西山紀遊跋

啞孝子傳跋

懷山吟跋

歸舟載花圖跋

曼殊墓銘跋

溪山無盡圖跋

餘生庵圖題詞

太乙子題詞

或庵寤語

朱孝子傳跋

喬凝庵六十感懷詩跋

大塢阡志跋

道德經墨譜跋

高子畫冊題詞

王諫議還妾紀事

居業堂文集卷一

大興王源崑繩氏著

傳

劉誠意伯傳

後漢書

誠意伯劉文成公名基字伯溫青田人曾大父濠宋翰林掌書宋亡隱於青田之武陽邑人林融倡義旅復宋敗元使簿錄其黨將殲焉使者次武陽會大雪市酒濠家濠詢知其故開行謁使者得所簿錄甚眾歸惻焉謀救之不知所出孫熈方十歲為畫計盛供具迎使者醉之祛其篋錄渠二百人而火其居倉皇掖使者出使者大恚曰將何籍以復闕下殆誅死不赦矣濠謝曰濠家不幸火震驚使者誠死罪顧舍何自火意者簿錄多冤天欲生之乎曰即如此且柰何曰使者事已竟不復可往濠幸有密親於彼使密錄所知名相報何如使者曰幸甚己而以所錄二百人者授之使者大喜去於是全活者無算熈即公父也公幼奇邁神智絕人博學工文章洞識兵法元至順時以明經舉進士除江西高安丞鄧祥甫者進賢人精象緯見公奇之盡以其術授焉後以浙江儒學副提舉授劾歸嘗游西湖有雲起西北甚異郁郁光射湖水中眾以為卿雲公獨呼酒滿引掀髯嘯睨大言曰此天子氣也應在今陵十年後有王者起其下吾當輔之時元政日弛公慨然有濟世安民之志世無知者獨揭傒斯謂其英特過魏徵而趙天澤以諸葛孔明目之曰此王佐才也至正八年戊子黃巖民方谷珍作亂公為元帥府都事請討之元以賄授谷珍官罷公錮之公遂歸隱青田山中當是時元主淫昏佞倖權奸相繼災祲迭見羣雄競起所在竊據爭雄長壬辰太

起漢州乙未漢江克集慶遺將分定諸路神武不殺所至人心悅服公問之曰天命在是矣己亥胡大海下處州薦公及宋濂章溢葉琛庚子三月太祖遣總制官孫炎以幣聘之公至陳時務十八策太祖大喜使居帷幄公虬髯貌偉秀善謀剛毅抗概敢言遇事應機立斷觀象指示戰無不克暇則開陳帝王之道論說詩書大義太祖每恭己聽之呼為先生而不名是時太祖開基江左西偏陳友諒東與張士誠壤地相錯皆勅敵公至未幾友諒大舉入寇陷太平守將花雲戰歿友諒乘勢順流直搗應天又約士誠同時並舉應天大震諸將惶惶議禦敵策不決太祖問公公曰賊鋒誠不可當然驕矣驕則易敗若傾府庫固人心按甲不動待其深入而伏兵邀之破之易耳取威成王業在此舉夫何畏太祖曰善於是誘致友諒大破之乘勝

居業堂文集卷一

二

復安慶取江州納胡廷美之降悉下江西諸路皆公策也先是太祖假宋聲援中書省猶設小明王位奉之公踐言曰彼收豎耳奉之何為天之歷數有歸庸可誣乎太祖感悟然猶未肯改元易號癸卯士誠攻小明王於安豐急太祖自將救之公曰二寇何隙可輒出乎太祖不聽友諒果傾國入寇圍洪都初太祖欲併吳漢謀所先諸將以吳地饒易取漢強宜後公曰不然友諒據上流竊名號適心無日忘我若先攻士誠友諒必來乘我則我東西受敵非勝算矣士誠自守虜攻友諒必不能取陳氏滅張氏囊中物耳漢宜先太祖從之至是解安豐之圍自將救洪都與友諒拒戰鄱陽湖中太祖方督戰公忽大呼趣上過別舟頃之飛礮擊所乘舟立碎復慶戰旬日友諒大敗中流矢死於是太祖謂公曰不用先生言幾敗大事禱使友諒不圍

洪都而覆應天吾何以禦之今友諒死天下不足平矣洪元年丙午禽張士誠明年太祖即皇帝位改元洪武滅元天下大定公未嘗在軍而運籌力為多願語多秘箋奏率焚其草雖親近不得詳焉公之始見太祖也事多草創每臣論治道議禮識獄後為太史令上戊申大統歷洪武元年拜御史中丞三年授宏文館學士封誠意伯子告歸參政張景者故元臣欲亂政使人上書頌功德勸上及時為樂太祖以示公公曰是欲為趙高者上領之誅景景之黨齊翼中而丞相李善長亦數毀公於上上皆不聽而斬翼巖既而太祖欲以楊憲為丞相公不可太祖問之曰宰相者持心如水以義理為權衡而已無與焉也今憲不然能無敗乎太祖曰汪廣洋何如曰此褊淺觀其人可知胡惟庸何如曰此小憤將債轅而破犁矣太祖曰吾之相

居業堂文集卷一

三

無逾於先生公曰臣豈不自知臣疾惡太深又不耐煩劇為之且幸上恩天下何患無才願明主悉心求之如目前諸人誠未見其可也惟庸間之大恨後因事構公上疑之公入謝引罪留京師惟庸遂相公大感曰使吾言不驗幸也不幸而驗如蒼生何居無何疾作八年正月惟庸以醫來視疾飲其藥遂為遺歸一月卒年六十五公文章與宋濂為一代之宗而非所重陰陽術數雖精然所以佐太祖定天下者多不傳所傳率其餘也乃往往借以陳善閉邪嘗因禁獄守心勸上罪己回天意上問天象則曰國威已立宜稍濟以寬卒之日謂子仲璟曰為政寬猛如循環吾欲勸上脩德省刑所天永命天下諸要地宜使與京師形勢相聯不能為遺表上問遺言可以此密陳之既而仲璟奏其言上為感動後六年惟庸果以反誅株連甚眾上始

思公之先見云子連字孟藻有文行洪武十年授考功監丞試監察御史出為江西參政太祖欲大用之為惟庸黨所劾墜井死仲璟字孟光生時月蝕復光公歎曰天墜乃緒而卒能幹乎幼沈樸峻厲羣於兒恒坐視弗遂弄弱冠咀嚙經傳喜談兵究極韜略握奇諸說傍及釋老嘗與璉侍父入朝太祖稱之曰阿璉明秀阿璉凝重伯溫有子矣公爵止其身璉亡上以仲璟為唐勝宗決策破歐寇有父風使襲公爵璉曰兄子薦世適也上嘉之又問公父子死於奸遂封薦世襲誠意伯以仲璟為閩門使書除奸敵仗四字於鐵簡賜之命糾朝臣不法者已授谷王府長史并敕調肅遠慶寧燕趙六王府事太祖崩璉難兵起赴闕獻十六策惠宗不能用成祖繼統強以官不受下獄自經死薦世封坐事戍甘肅赦還卒子法停襲景泰三年授法會

居業堂文集卷一

四

孫祿世襲五經博士宏治十三年以祿孫瑜為處州衛指揮使正德九年贈公太師謚文成嘉靖十年以公侑享高廟復其世爵瑜遂嗣伯卒孫世延嗣掌南京右軍都督府事以撫定振武營變自負恣橫為不法論死卒適孫萊臣幼庶孫蓋臣借襲其爵蓋臣卒子孔昭復據之崇禎時附溫體仁為眾所疾尋出督南京操江即捕萊臣斃之獄十七年閩賊陷京師孔昭與馬士英等定議立福王因與士英阮大鍼朋比亂朝政及敗馬阮俱遁降死孔昭竟未易節航海去不知所終

王源曰劉誠意之功偉矣而實錄所載何其略也豈欲歸功於上與漢高帝自謂不如三傑而能用之乃所以為高帝也又何忌焉世之稱誠意者多神奇之說不知誠意王佐之才非道行比也當日李善長既屬庸才楊憲胡惟庸

皆僉邪小人大祖嘗謂誠意學貫天人資兼文武則相才孰有如誠意者乃置之不用而用惟庸卒致罷中書省廢丞相而二百年遂無相業豈不惜哉

于忠肅公傳

于忠肅公謙字廷益錢塘人七歲時有僧蘭古春見之驚曰此子大不類凡兒他時社稷臣也及長英邁過人忼慨負大志永樂十九年舉進士宣德元年拜監察御史嘗論陝西所遣官校為民害上命御史捕之巡按江西釐革民所疾苦平反冤獄以百數五年擢行在兵部右侍郎巡撫河南山西英宗即位上便宜四事再陳十事三年又奏陳六事是時兩省頻年旱蝗河沁溢賦役苦不給重以邊餉勞費而清軍歸伍遠者動數千里民不聊生公所奏多軫恤儲裕保障之策自正統元年迄六年還朝以荒歉請寬

居業堂文集卷一

五

恤賑貸之疏一歲多至數上數言清軍之困請罷清軍御史上每嘉納從其請於是賑恤時行獨租以鉅億計所存活不可勝數然公持重不苟為名凡所規畫莫不計久遠上嘗詔脩預備法公奏立法非難守法為難洪武間預備法區畫詳盡非徒萬民利也實萬世利數傳後稍陵夷廢弛矣今脩舉之甚當但或奉行未盡善即終廢耳臣於河南山西儲備各以數百萬計請於歲三月令州縣紀民缺食家達上官計口月給米三斗幼者半秋稷價貧乏甚篤廢老疾者免官為補之數毋缺而風憲官時稽覈絕奸弊則可久行不廢也其規畫詳審類如此既而請召還通政李錫勅之下獄左遷大理寺少卿時山西旱民多轉徙河南上以公任久得民心仍命公往撫初公於五年籍流民三萬四千餘戶至是河南歲稍稔乃糴倉粟濟之撫籍七

萬餘戶立鄉都選里老授開田課農桑流民安之歸者日
益衆故公再出撫爲民祈請寬恤賑貸如故而撫流民功
過之前後共十八年功名大著十二年以父喪歸起復爲
兵部右侍郎明年喪母命乘傳奔喪仍起復視事當是時
太監王振弄權上唯振言是聽振威勢震天下麓川用兵
累歲不息湖廣貴州所在苗賊竊發東南盜蜂起瓦剌兀
良哈時侵邊爲患害徵調日繁天下洶洶十四年秋七月
瓦剌分道入寇也先向大同振勸上親征尙書王直率羣
臣諫止不聽乃命邸王居守八月壬戌王師敗績於土木
也先擁上去是時官軍精銳凡五十萬盡沒京師羸卒不
滿十萬器甲軍資俱盡聲聞也先長驅向京師京師大震
羣臣聚哭於朝侍講徐理倡議南遷朝廷不知所出公大
言曰言遷者可斬也社稷宗廟在此一動卽成土崩今日

居業堂文集卷一

六

之計唯有召天下勤王兵以死守可蹈宋南渡轍乎衆唯
唯乃定議皇太后命邸王監國立皇子見深爲皇太子晉
公兵部尙書羣臣合疏請太后以太后詔勅王卽皇帝位
王固辭公曰今強敵在前社稷無主臣等誠憂國家非爲
私願殿下宏濟艱難以安宗社慰人心王乃受命卽位遙
尊上爲太上皇帝帝知公忠毅有才略可任重大軍國事
悉委之於是簡將帥補卒乘繕器甲調軍食申約束明賞
罰習戰陳嚴守備諸事甫集也先已奉上皇深入潰紫荆
關直犯京師當是時帝以武清伯石亨爲總兵官諸將悉
聽節制命公總督軍務公躬擐甲冑慨流涕誓師以忠
義激勵將士人人踊躍思奮亨欲斂兵入城公曰賊勢方
張奈何更退守示弱於是列陳九門外正陽者南門也左
崇文右宣武都指揮李端陳於正陽陳崇文者都督劉得

新宣武者都指揮湯節東曰東直廣寧伯劉安陳焉曰朝
陽武進伯子朱瑛陳焉西曰西直曰阜成都督劉聚副總
兵顧興祖陳焉公與石亨陳德勝門都督陶瑾陳安定門
二門皆在北而德勝居西首膺賊鋒故公與亨獨當之共
勒兵二十二萬旌旗相望金鼓聲聞百餘里初也先旣得
志輕明宦官喜甯降備知京城虛實謂可且夕下旣至見
嚴陳以待駭異不敢動俄以數千騎搏戰都督高禮毛福
壽斬其三百人還也先大沮擁上皇登土城邀大臣出迎
乃遣通政王復等出進羊酒也先復索公等帝拒不許遂
進攻德勝門公與亨伏兵道傍空舍先遣輕騎逆戰佯北
賊馳逐之伏兵起弓弩萬礮齊發士卒鼓譟乘之呼聲動
天地賊大敗未幾解圍去凡相持五日而罷是時邊城多
殘沒畿南蹂躪幾徧而廣東賊黃蕭養乘勢猖獗羣苗多

居業堂文集卷一

七

叛浙閩餘盜縱橫不息帝推誠任公公爲人廉退晉少保
疏懇辭者三凡錫賚必力辭數四乃受帝益重之言無不
聽廷臣寵任無兩公得益展其才由是武備日脩盡復邊
城盜賊以次削平初昌平伯楊洪守宣府善戰有威名其
子俊守居庸關也先入犯詔引兵入援以尙書陳循請留
京師公曰宣府京師藩籬居庸京師門戶未有藩籬門戶
不固而能免盜賊之患者今洪俊并所領軍旣留則宣府
居庸空虛萬一賊乘虛入據以時往來剽掠卽不犯京畿
京畿獨能安乎請別選武臣老成才勇者二人帥師守之
以重藩籬固門戶又請以石亨楊洪柳溥分三營訓練而
宣大時遣壯士乘夜出塞劫賊營皆從之景泰元年大同
參將許貴請和瓦剌息邊公奏曰也先以梟獍之雄合豺
狼之衆犯我邊圍邀我上皇軼我畿甸震驚我陵寢荼毒

我生靈其為寇仇何可勝言即以和論朝廷何嘗不一再遣使皆不得其要領故今日理與勢皆不可和國家既與不共戴天和則背君父而忘大義理不可也賊貪而多詐使和議成而彼有無厭之求非分之望從之既不可違之則速變勢不可也故唯有選將勵兵蓄銳以待若其深入送死臣請竭犬馬以雪國恥務翦滅之而朝食必不負國家帝壯之切責責而也先日挾上皇為質廷臣紛紛議和謀迎復公惟一意戰守督諸將都肆士卒廣儲蓄遠斥候畫地分守日夜警備如賊至脩關隘塞固守宜大益兵保定真定易涿通為聲援以大臣鎮山西防賊南侵而懸重賞購斬也先以搆其黨嘗謂人曰我誠內脩外攘彼不得所欲上皇自返既而也先屢入寇不得志失亡多果請朝貢送上皇歸八月丙戌上皇還京師先是瓦剌朝貢不

居業堂文集卷一

九

過百人正統十三年增至三千餘人賞賚不厭其欲遂入寇及奉上皇歸復遣使三千來朝公請列兵居庸關備不虞而京師盛陳兵宴之因言和議不足恃戰守不可忘古人安不忘危治不忘亂治亂安危係於有備無備而已遂上安邊三策請敕大同宣府永平山海遼東各路總兵官增脩備禦而京營選精兵十萬厚其廩既分五營團練二年也先弒其主脫脫不花公請大發兵討之乘閒復前仇犁其庭永清邊患帝不許久之也先復率眾結朵顏三衛時時出沒塞下乃更立十團營備之公雖典軍旅視信而持正不阿每盡言切諫帝嘗遣內使往真定河間采野味直沽造鮑魚以公諫立罷南京災異數見公上疏謂南京根本之地災異徵應不虛然災異之見乃天心仁愛人君而示之警也伏望益謹敬天之誠遵祖訓廣仁民之德游

暇玩好夙無與也益慎於將來賞罰本出於公也益加明審法天德之剛行健不息體日月之明臨照無私陛下始終此心始終此治將見災異自消嘉祥日至小醜不足半太平可立待矣已而雷震南京報恩寺浮圖又上疏辭職因言人君一心為萬事本陛下正心以正朝廷而四方遠近莫不一於正正心以釐庶務而法度紀綱莫不一於正妮妮千餘言詞甚愷切帝皆嘉納之初上皇歸非帝意千戶龔遂榮請避位帝大怒下之獄既而居上皇南宮絕廷臣朝謁太后亦不得以時見日夜思易太子無端不得發三年思明土官黃瓌上疏請易儲帝大喜下廷臣議廷臣皆心知不可無敢違共署名奏請從瓌議遂廢太子見深為沂王而立其子見濟為皇太子公在位久執法嚴諸將稍不法輒劾治遇事明敏敢斷廷臣多忌其能而石亨以

居業堂文集卷一

九

列侯為大將亦拱手受成畫心銜之嘗薦公子冕韶赴京公辭且曰亨不聞舉一幽隱拔一行伍微賤裨國家顧乃薦臣之子公義安在亨大恨都御史羅通初以公薦得用既而背之屢與公齟齬公乃辭總督以辟亨又請讓通帝皆不許而命通協贊提督及邊患漸息言者稍稍攻之御史顧唯奏請令兵部選將用兵必會同內閣議執不可後以請敕亨等上禦變方略為言者所劾會公病乃調工部尚書石瑛於兵部協理部事然廷臣雖屢擢公帝待之彌厚病辭位優詔留之遣醫視救賜白金羊酒問勞使不絕故公屢求退不得天順元年帝不豫時所立太子已薨羣臣議請復沂王於東宮未奏而石亨徐有貞與太監曹吉祥等合謀於正月壬午迎上皇於南宮復位執公及大學士王文等下詔獄誣其與黃瓌構邪議更立東宮又圖不

死上猶豫不忍下徐有貞曰不殺于謙今日之事無名上乃決有貞者徐瑄也丁亥與王文及太監王誠等同斬於市觀者無老幼皆流涕有指揮朵耳者以酒酌而哭之籍其家自所賜金帛外無長物子冕戎龍門皇太后初不知比聞嗟悼累日上亦悔之一日有邊警廷臣議不決恭順侯吳瑾曰于謙在當不至此上默然久之有貞以罪竄金齒亨等坐謀逆誅憲宗即位詔復公官赦冕還冕累訟其父冤成化二年遣官諭祭洪治二年又以冕請加贈特進光祿大夫柱國謚肅愍賜祠額曰旌功有司歲時致祭萬歷中更謚忠肅而河南父老建祠祀之歲歲不絕冕初授府軍前衛副千戶赦還復其爵冕自陳不願武職改授兵部員外郎累官應天府尹致仕有文學居官以廉幹稱無

居業堂文集卷一

十

居業堂文集卷一

十

字族子允忠爲後世杭州衛千戶王源曰吾聞忠肅公年未五十喪妻不復娶所居僅蔽風雨嘗請瘞土木陣亡將士瓦刺通好又請贖所掠人庶歸其鄉其持身愛人多此類傳皆不具載載其大者或以不爭易儲爲公過公任重國家多難諫不聽殺身無足恤而朝廷之禍有不可勝言者天下事尙可問乎故隱忍以圖全君子所爲扼腕而流涕也然而其功偉矣於戲甯不悲哉

按實錄公巡撫山西河南及守京以後事功頗衆他載籍多不詳茲一補入但多用總敘虛敘法不可疑也王守京事爲實錄所載者亦不敢雷同附會圖疑非誠補也公奏議第存大意而字句多屬裁潤色總爲文章計耳如我罪我侯之後人自記

于侍郎傳

于公仕廉字振方金壇人幼貧以孝友稱鄉里萬歷十四

年丙戌成進士時承平久士大夫率以名位自高不識世務公獨精於兵農戰守之略除戶部主事歷郎中督儲通州遷登萊分巡副使累官戶部右侍郎督南京糧儲謝政歸通州距京東四十里歲儲漕糧百餘萬石爲京師備城監拓其西爲新城會通河水貫其中而隍久湮塞不治公因脩城軍役濬之引水環城設閘橋堤甃門崇墉增勝議輔有金湯之固而舟運歲省費數千金當是時倭犯朝鮮朝廷遣師援之兵不解公理漕政暇卽與參將王某論兵脩備禦二十三年擢山東按察司副使分巡登萊登萊陸絕海中與朝鮮望倭勢益張而巡撫尹應元漫無備公憂之乃上書應元曰古者保邦未危防患未然謂先事爲之備也傳曰備豫不虞善之大者也志曰無恃其不來恃吾有以待之待也者備之謂也今倭犯朝鮮警日急儻狡謀

入寇海道數日可達天津而登萊首衝我之兵弗若倭之強器弗若其利以我二敵彼一旦弗勝況以我千百而當彼數萬甯有幸乎夫兵力不足以衛民所恃以爲捍蔽者城耳萊城陋已甚已議興築而公曰寇未必來可緩於是萊城不果脩矣卽墨之城亦陋士大夫連名告脩公乃不聽其請而信一細人之言卽墨亦不脩矣至於議增兵則不肯加於舊錯餉則不欲執請於朝備器械則欲其省而不必其利且曰恐涉張皇又曰寇來再處噫此謾語也寇惟不來則手足無措疆場可虞雖張皇何及乎夫所謂備者先人有奪人之心而令其不敢來非欲其必來以章我之有備也備而不來善矣備而來則我有以應之不備而不來是微倖也不備而來禍可勝言哉備之計奈何曰脩城郭也儲糧餉也增水兵也招募士也城郭之脩州縣

可自辦不難也餉則請以山左之賦盡供軍用可也兵則登萊各須萬人登以五千城守五千布島嶼習水戰萊以三千城守三千屯王徐為犄角三千屯山海廟與登師往來哨會而以其餘分置要害且并算為衆合弱為強至於材士斷不可少必廣招豪傑有文武兼資智略過人者不靳推轂或延之幕府膽略技勇出衆者用為將領公與某等為之督率上下一心彼此協力如此則有兵有將可以守可以戰可以固藩籬可以壯聲勢事出萬全威信千里門戶重固堂奧無虞朝廷庶免東顧之憂矣儻徵天幸之難必忽人事之當脩昧日後之深憂耽目前之淺計思保己之祿位而不問國之封疆城郭不完兵食不足謀無主而戰無人吾恐勢弱則啟戎心門隙則延寇入閭閻被其慘毒京師為之震驚是時欲募兵則民已散欲加賦則土

居業堂文集卷一

三

已荒計無所之禍無所底雖取我疆臣盡粉而戮之亦何救於敗哉應元不應公反覆力爭始得請而萊城以固又請開膠萊河以通海運其言曰國初因元海運後會通河開而海運廢顧黃河淤決無常往往為運道梗夫海運之難惟成山一帶經黑水大洋中多礁石且迤邐三折故不無覆溺之患膠萊河南起膠之麻灣口北至萊之海倉口二百五十餘里乃元人所開辟大洋以濟運者自淮之六套口入海至麻灣僅三百餘里自海倉入海至天津亦僅八九百里或依島或沿邊不數日可達因海運廢故膠萊河久淤然夏秋水發猶可行舟需濬者什三四耳顧嘗議復而訖無成績何哉人之咎非脩之難也嘉靖中海道王獻雅力主脩復以上下砥柱而罷隆慶五年遣使會勘而當道意在不行曾未詳度輒言難就更作廢河記立石河

濱以杜後議萬歷三年復遣侍郎徐公栻尚書劉公應節後先荒度以官衆供億煩且不脩本河而初開黃埠嶺為下而因邱陵因而議罷然則河之不成非忌者之鑠金即任者之鑄錯故曰人之咎也近者漕運歲梗東征餉亟莫若復此以通運道之窮登萊頃已增兵及萬沿海各衛所班軍亦已請留即用軍遞作不必增廩給即以將統之不必委他官費省而民不擾功易成而利有六何憚而不為乎六利維何助漕河之不及一也濟遠左之輪輓二也登萊之稅得以輪粟三也濱海沮洳可溝漕達河免水患而輿地利四也商賈通行五也兩海舳舻相接即有不虞整旅振棹使天津以下與淮海互為聲援六也議上議者聽之而當軸尼不行移固原兵備參政上邊防六議嘗兼攝五道事邊備悉整以親疾乞養歸家居十年起為浙江按

居業堂文集卷一

三

察使司分巡台州舉治行卓異遷江西右布政使轉廣西左布政使條列荒政貸司帑萬金糴粟賑給全活者多安南入犯侵上石西州公築城受降深壓敵境屯兵扼其衝賊遂不敢內侵入為南京太僕寺卿天啟初遷南京通政使就擢戶部右侍郎督南京糧儲先是朋黨方盛公從兄孔兼從子玉立皆著名東林公無所附魏忠賢竊攻其黨撰天鑿錄列真心為國不附東林數十人公與焉皆次第錄用而公獨不肯攀援以進屢疏求退三年罷歸崇禎四年閏十一月登州援大凌河將士孔有德等叛於吳橋回戈東指所過屠掠無遺抵登州五年正月軍取仲明都司陳光福等內應城遂陷巡撫孫元化被執諸路兵俱敗走賊乘勢攻萊州巡撫徐從治謝連同守賊圍之攻甚力分兵破黃縣平度招遠諸邑而旅順將陳有時島帥毛承